

現代生活藝術系列

華嚴經疏論纂要 79

—十忍品之二—

華藏淨宗學會印贈

大方廣佛華嚴經疏論纂要卷第七十九

五臺山清涼國師澄觀疏鈔

太原方山長者李通玄 論

閩鼓山私淑比丘道霈纂要

○第六如夢忍

佛子。云何爲菩薩摩訶薩如夢忍。佛子。此菩薩摩訶薩知一切世間如夢。譬如夢。非世間非離世間。非欲界非色界非無色界。非生非沒。非染非淨。而有示現。疏釋中亦三。一標法同喻。二譬如下。正舉喻相。然開此夢義亦有五法。一所依謂覺心。以喻本識。二

所因謂睡蓋以喻無明習氣。三所現謂夢相差別。以喻緣所起法。四此夢事非有而有。但心變故。非見前法。五令夢者取以爲實。鈔一。所依者若無本。明等亦可喻如來藏。喻本識者。諸宗共許。故法相宗明如來藏不受熏故。二所因者。智論云。復次如夢中無喜事而喜。無嗔事而嗔。無怖事而怖。三界衆生亦復如是。無明眠力故。不應嗔而嗔等。四此夢事者。智論云。夢有五種。一若身中不調。若熱氣多。則夢見火。見黃。見赤。二若冷氣多。見水。見白。三若風氣多。則見飛。見黑。四又復所聞見事。多思惟念故。五或天與夢。欲令知於未來事故。是五種夢。皆無實事。而妄見世人亦復如是。五道之中。衆生身見力因緣。故見四種我衆色。是我色。是我所。我中有色。色中有我。如色受想行識。亦復如是。四。五。二十。得實智覺。已知無實。釋曰。論中身見力。合上。身中不調。五道衆生。亦可合前五夢。初火如地獄。火塗道。故白如人善法。故黑如畜生愚癡。故多思。

如鬼。天與如天故。但心變者。此通喻合。約喻者。卽通妨難也。謂有難言。若無實者。何以夢中見色。聞聲等耶。故智論云。不應言論無實之事。何以故。得緣便生。夢中之識。有種種緣。若無緣云。何生。故今答云。夢中五識不行。所見五塵。但心變耳。故智論云。無也不應見。而見故。如夢中見人頭。有角。見身飛等。人實無角。身實不飛。故二約法者。但文中初心變故。合而有義。不見前境。合非有義。

明俱非。喻法非有。後云。而示現有。喻法而有。雙辨爲俱句。互奪爲雙非。然此四句。皆由以是夢故。謂一。以是夢故。有夢事現於夢者。爲有。二。旣言是夢。其性必虛於無實處。而見實故。然語有。則全攝無。而爲有。言無。則全攝有。而爲無。以非二相故。非但相有性無而已。思之。然語有下。揀濫於中。又二。先正舉。謂有無交徹。卽夢事而

性虛卽性虛是夢事。約法卽性空是幻有。卽幻有爲性空。若是定有不得爲空。若是斷空不得爲有。旣無性故有。卽全攝無而爲有也。旣緣生故空。則全攝有而爲無。故結云非有二相。非但相有下二。揀非也。謂諸宗計多有此說。但空自性不空於法。如法相宗但無徧計非無依他。設學三論不得意者。亦云法無自性。故說爲空。則令相不空矣。今旣無性緣生故有。有體卽空。緣生無性故空空而常有。要互交徹。方是真空。妙有故其言大同而旨三有異。故令思之。若得此意。則下二句義旨可知。三以是夢故。必具二義。全有之無。與全無之有。二門峙立。不相是故。非是半有半無。四旣言是夢。必是雙非。形奪俱融。二相盡故。然此俱非。不違雙是以若不奪無。令盡無以爲無。若不奪有。令盡無以爲有。是故存亡不礙。俱泯自在。方爲夢自在法門。是

故經云。世間恒如夢。智不得有無。此之謂也。世間等者

三引證也。卽楞伽第一。此卽中間兩句。若具應云。遠離於斷常。世間恒如夢。智不得有無。而興大悲。

心前如幻忍。抄已具引。

菩薩摩訶薩亦復如是。知一切世間悉同於夢。無有

變異故。如夢自性故。如夢執者故。如夢性離故。如夢

本性故。如夢所現故。如夢無差別故。如夢想分別故。

如夢覺時故。是名菩薩摩訶薩第六如夢忍。

〔疏〕第三合喻中十句。初句爲總。次無有下別。別中

初句。近上總句。畧無如夢二字。於九句中。前八辨

夢。後一明覺。就前八中。攝爲四對。初二明常無常。

門。體虛無變。卽是常義。自性無恒。是無常義。次二  
辨真妄門。妄由著生。真由性離。次二性相門。性本  
一如。相現多種。後二明一異門。但是一心。二而無  
別。隨相分別。異異不同。又唯是一夢。相現多種。上  
之四門。各雙存互奪。以爲四句。思之可見。鈔上之四門者  
如第一常無常門云。一者常。二無常。三合前卽成  
亦常亦無常。故云雙存。四約互奪。卽成非常非無  
常。無常奪常。故非常。常奪無常。故非無常。天謂後  
正以體虛無實。卽自性無恒。故下三門例知也。後  
一句明覺卽止觀門。謂要在覺時。方知是夢。正夢  
之時。不知是夢。純昏心故。設知是夢。亦未覺。故覺  
時了夢。知實無夢。然由夢方有覺。故辨夢覺時。若

離於夢。夢覺斯絕。觀了上之多門。止不取於夢妄。

如此方爲了夢法門。

謂要在下二說。立覺所以亦是解妨。謂有問言此明夢忍。

那說覺時。故今釋云。覺夢相成。故須說覺於中。初以覺成夢。以未覺時。不知是夢。故要在覺時方知。是夢者。正辨須覺。所以謂大夢之夜。則必有彼大覺之明。謂我世尊。方知三界皆如夢。故上引楞伽。歎佛能了於夢。正夢時者。謂爲實。故爲諸凡夫長眠大夜。不生厭求。故戲公云。夢中朦。夢純昏心也。設知是夢者。此通妨難。謂亦有人夢。知是夢。如人重眠。忽有夢生。了知我夢。以睡重。故取覺不能。喻諸菩薩。從初發心。卽知三界皆夢。豈非是覺。何用更說覺時。故今釋云。亦未是覺。未大覺。故起信云。若人覺。知前念起惡。能止後念。令其不起。雖復名覺。卽是不覺。有生滅。故無明覆心。不自在。故覺時了夢者。非唯覺時知夢。亦知無夢。如八地菩薩。夢渡河。喻證無生忍。不見生。於此岸。涅槃彼岸。能渡所渡。皆回得。故况於大覺。故經云。久念衆生苦。欲脫無由脫。今日證菩提。豁然無所有。然由於夢。



者。上辯以覺成夢。此辯以夢成覺。對夢說覺。無夢無覺。既了夢無夢。對何說覺。故覺夢斯絕。如無不覺。則無始覺。覺夢雙絕。方為妙覺。觀了。下釋止觀。義照上四門。故名為觀。覺夢斯絕。即不取於夢妄。故無量義。經歎佛云。智恬情怕。慮凝靜意滅。識亡心亦寂。永斷夢妄。思想念無復。諸大陰界入。即知究竟了。夢唯我世尊。獻公頌云。長夜之內。大夢所成。皆由心畫。徧造衆形。神傳五道。倘盡跼蹐。若能悟之。即破無明。

○第七如響忍

佛子。云何為菩薩摩訶薩如響忍。佛子。此菩薩摩訶薩聞佛說法。觀諸法性。修學成就。到於彼岸。

〔疏釋中分三。〕一忍行所因。二知一切下。成忍之相。三此菩薩下。忍成之益。今初由聞起觀。能成忍故。

知一切音聲悉同於響。無來無去。如是示現佛子。此菩薩摩訶薩觀如來聲。不從內出。不從外出。亦不從於內外而出。雖了此聲非內非外。非內外出而能示現善巧名句。成就演說。

〔疏〕二中。先法後喻。法中有二。一指法同喻。畧顯其相。通知一切音聲如響。無去無來。明其體空。如是示現。彰其相有。二佛子下。了知佛聲如響。非獨但喻世間聲故。於中先明卽有之無。離機無聲故。非內離佛無聲故。非外。二法相依。故非內外。若言內外合者。便有二聲。內外相依。卽顯無性。後雖了此

聲下。明卽無之有。故牒非三而能巧現。

譬如谷響。從緣所起。而與法性無有相違。令諸衆生隨類各解。而得修學。如帝釋夫人。阿脩羅女。各曰舍支。於一音中出千種音。亦不心念。令如是出。菩薩摩訶薩亦復如是。入無分別界。成就善巧隨類之音。於無邊世界中。恒轉法輪。

疏第二喻顯於中四。一喻。二合。三轉喻。四重合。今初直舉從緣所起。門響無性。無性之相。已見法中。然有五法。一空谷。二有聲。此二是緣。三聲擊空谷。便有響應。此明所起。四有而非真。此彰無性。五愚。

小謂有。亦有有無等義。如上準之。然此一喻通喻三法。一喻上一切聲。則谷喻喉。齜聲喻風氣。二喻上如來聲。則谷喻如來聲。喻緣感。三喻一

經畧無。晉本具有。大品十喻。亦響喻一切。則谷喻如來藏。聲喻無明習氣。二而與下合。但合佛聲。以從近故。然初至令諸衆生隨類各解。言合法喻。謂約法。則如來之聲。不違法性。而能隨類。合上能巧示現。約喻。則不違本聲。事法之性。隨其呼人。類別各解。三如帝釋下。轉以喻顯。此有二意。一則喻上佛聲。二音隨類。二則喻下菩薩無心音演。四菩薩

下。重合

此菩薩善能觀察一切衆生。以廣長舌相而爲演說。其聲無礙徧十方土。令隨所宜聞法各異。雖知聲無起而普現音聲。雖知無所說而廣說諸法。妙音平等隨類各解。悉以智慧而能了達。是名菩薩摩訶薩第七如響忍。

〔疏〕第三忍成之益於中二。一隨機徧說。二雖知聲下。明權實雙行。以同於響性相無礙故。是則由聞如響之教。了如響之聲。發如響之音。演如響之法也。鈔疏文可見。獻公讚云。聲以響酬。相和如一。無扣而應。誰辨虛實。業雖虛妄。罪福不失。若映斯

照朗如皎日。又爲讚曰。響無所在。緣會發聲。不知自我喜怒交爭。安和真心。事像萬形。莫知其本。終日營營。

○第八如影忍

佛子。云何爲菩薩摩訶薩如影忍。佛子。此菩薩摩訶薩。非於世間生。非於世間沒。非在世間內。非在世間外。非行於世間。非不行世間。非同於世間。非異於世間。非往於世間。非不往世間。非住於世間。非不住世間。非是世間。非出世間。非修菩薩行。非捨於大願。非實非不實。雖常行一切佛法。而能辦一切世間事。不隨世間流。亦不住法流。

疏文分四別。一標。二釋。三結。四果。釋中有三。謂法喻。合。今初法中有十一對。分三。初七對。雙遮顯性。以成止行。如影無實故。二非修下。二對。雙照性相。以成觀行。如影雖虛而現故。性則非修。相乃不捨。眞卽俗故。非實。俗卽眞故。非不實。三雖常下。二對。遮照無礙。成雙運自在行。初對。雙照眞俗。卽權實。雙行。後對。雙遮眞俗。卽權實。雙寂。遮照一時爲雙運。互奪無礙爲自在。以此結上二段。同斯無礙爲忍相之深玄。

譬如日月。男子女人。舍宅山林。河泉等物。於油於水。

於身於寶於明鏡等清淨物中。而現其影。影與油等。非一非異。非離非合。於川流中。亦不漂度。於池井內。亦不沈沒。雖現其中。無所染著。然諸衆生。知於此處。有是影現。亦知彼處。無如是影。遠物近物。雖皆影現。影不隨物。而有近遠。

**疏**二喻中文具五法。一。日等。爲所依本質。二。於油下。明能現之處。上。二是緣。三。而現其影。明緣之所起。四。影與油下。明有之非有。五。然諸下。愚小謂有。今初。若約影喻。別喻菩薩現身。則日等喻悲智願等。若約影喻。通喻一切法。則日等喻因其河泉二



種雖通能現。且爲所現。長河飛泉入鏡中故。鈔長河飛

泉入鏡中故者。出是所現之相。登樓持鏡。則黃河一帶。盡入鏡中。瀑布千丈。現於徑尺。王右丞云。隔

牕雲霧生衣上。卷幔山二能現中。亦有通別。別喻泉入鏡中。明是所現矣。

機感及應現處。通喻於緣。謂無明等。別喻機感者。日月既喻菩薩

薩則水等喻機。亦喻菩薩應處。如影落百川。喻菩薩身。充徧法界。百川江河。喻所現國土之處也。

然此文具攝論三喻。一以油水對上日月爲水月

喻。喻於定地。所引境界。以水有潤滑澄清性。故鏡

等影像。闕此潤等。喻非定地。一以油水者。則月影喻菩薩悲智。水喻機

心。水中月。喻定境界。謂定中見佛等。亦喻徧處定境。青黃赤白等故。出現偈云。譬如淨月在虛空。能

蔽衆星。云盈缺。一切水中皆現影。諸有觀瞻。悉對前如來淨月。亦復然。能蔽餘乘。示修短。普現人天。

淨心水。一切皆謂對其前。獻公偈頌云。水月不真。唯。有。虛。影。人。亦。如。是。終。莫。之。領。爲。之。驅。驅。背。此。真。靜。若。能。悟。之。一。二。以。於。身。對。上。日。月。爲。光。影。喻。身。映。超。然。獨。醒。

日等而有影故。弄影多端。故喻於諸識。

二以於身

喻菩薩悲智。身喻物機。日照發影。以喻現身等。而言映日等者。等取經上月字。及燈燭故。弄影多端者。上約別喻菩薩現身。此約通喻一切諸識。動身俯仰。卽是弄影。形端影正。形曲影斜。故云多端。以况八識。依身有異。

三以寶鏡等對上男子等爲影像喻。

非定地果報。以鏡中影像。離於本質。別現鏡等之中。故喻於果。與因處別。前映質之影。雖因日等。影乃隨身。不於日內而現。故喻諸識。雖託境生。異自在。我非在於境。

三以寶鏡者。釋第二喻。疏從通說云。喻非定地果報。此攝論意對前

水月等定境。故云非定地。則鏡喻於因。故云謂無明等本質。喻緣影。喻果報。故淨名云。是身如影。從業緣現。又鏡喻本識。如來藏性。本質喻無明業等。像喻果報。如問明品。若將鏡像。別喻菩薩現身。則鏡等喻菩薩本質。喻機像。喻菩薩所現之身。觀公頌曰。形不入鏡。光照而有世。亦如是業影。而受不能。悟之。還神氣母。若

可知。四明有非有中。攝多義門。於中一異合離。通顯影義。各有四句。次於川流下。別顯影義。不通二影。如月映淮流。流水不將月去。光臨潭上。萬仞不見光沉。喻菩薩同世遷流。不漂生歿。證真寂滅。不沉涅槃。後雖現下。雙結有無。喻性相交徹。兼於鏡像。五取爲有中。由以有無爲有無。不知卽影。了不

可取故成執著於中先取有無爲著後遠物下舉

影正義顯上爲執不知此影無遠近故

不知此影者卽釋經

見影不隨物而有遠近如執鏡臨池池中月出而此影不近天上之月去地四萬二千由旬影落潭

中而亦不遠以喻菩薩遠在他方恒住此故雖在此處常在彼故安有遠近之異相耶一切遠近皆

類此知

菩薩摩訶薩亦復如是能知自身及以他身一切皆

是智之境界不作二解謂自他別而於自國土於他

國土各各差別一時普現如種子中無有根芽莖節

枝葉而能生起如是等事菩薩摩訶薩亦復如是於

無二法中分別二相善巧方便通達無礙是名菩薩

摩訶薩第八如影忍

〔疏〕第三合中二。先正合前文。於中初舉智境。合前本質。次而於下。合前油等。後各各下。合前現影。二如種子下。轉以喻合非有之有。於中先喻後合。有無無礙。名爲方便等。第三結。可知。

菩薩摩訶薩成就此忍。雖不往詣十方國土。而能普現一切佛刹。亦不離此。亦不到彼。如影普現。所行無礙。令諸衆生見差別身。同於世間堅實之相。然此差別。卽非差別。別與不別。無所障礙。此菩薩從於如來種性而生。身語及意清淨。無礙。故能獲得無邊色相。

清淨之身

疏第四果中三。初得稱性之身。如影不往而至。不分而徧故。次然此下。結成無礙。以無差是差之無差。故雖不往而徧。令物見殊。差是無差之差。故雖徧而不在彼此。後此菩薩下。顯此身因。其無邊身近局果中。亦通前法。

○第九如化忍

佛子。云何爲菩薩摩訶薩如化忍。佛子。此菩薩摩訶薩。知一切世間皆悉如化。所謂一切衆生意業化。覺想所起故。一切世間諸行化。分別所起故。一切苦樂

顛倒化。妄取所起故。一切世間不實法化。言說所現故。一切煩惱分別化。想念所起故。復有清淨調伏化。無分別所現故。於三世不轉化。無生平等故。菩薩願力化。廣大修行故。如來大悲化。方便示現故。轉法輪方便化。智慧無畏辯才所說故。

〔疏〕文分四別。一標。二釋。三結。四果。標云化者。無而忽有故。釋中有三。謂法喻。合法中二。先總標。標法同喻。具能所知。既知一切世間。不局所化情類。畧標世間。應具出世。後所謂下。別顯。先顯所知。後顯能知。前中十句。前五染化。後五淨化。今初。不出業

惑苦二前四是苦。卽五蘊相。一識由想起。二行因  
識生。分別是識故。三受因想起。想取愛憎相故。四  
色亦行生。無記報色。如沫不實。名言熏習。卽是行  
故。五卽是惑。惑由想行念。卽行故。業通二處。初句  
意業。此句分別。皆是業故。此中意等。從緣無性。如  
化不實。本無今有。如化相現故。仁王云。法本自無。  
因緣生諸。淨化二義。倣此可悉。鈔故仁王者證上  
不實相現二義然  
有。一義。一因緣生之。卽是相現。由緣生故。有來卽  
無。云。法本自無。卽無實義。二者兩句。共成一義。謂  
自者。從也。從無之有。曰生。非本先有。故云。法本自  
無。遇緣則起。故云。因緣生諸。斯則。但用。因緣生諸。  
卽成。二義。謂。因緣生故。相有。緣生無性。  
故無實。正順無而忽。有名化。故引此文。後明後五



淨中。一方便調生。依真智故。二湛然真智。由理成故。故上文云。智入三世了法平等。三願由行滿。四慈悲復依方便立故。五具無畏辨能轉法故。四慈悲者。卽出現品文。故彼偈云。譬如樹林依地有。地依於水得不壞。水輪依風風依空。而其虛空無所依。一切佛法依慈悲。慈悲復依方便立。方便依智智依慧。無礙慧身無所依。彼說五重相依。今此但要慈悲依方便。方便卽後得智中。與樂拔苦故。

菩薩如是了知世間出世間化現證知廣大知無邊知。如事知自在知。真實知非虛妄見所能傾動。隨世所行亦不失壞。

疏二別顯能知於中初二句結前生後世間結前

染出世結前淨。亦結餘所不盡。謂乃至一法過於  
涅槃。亦如化故。或說涅槃不如化者。大品云。爲新  
發意菩薩。恐其驚怖。分別生滅。方如化故。餘如幻  
說。了知之言。卽是生後。次現證下。正顯能知。上言  
了知。知有六義。一若事若理。非比度故。二旁無遺  
故。三契中道故。四稱俗境故。五真俗無礙故。六歸  
一實諦故。後非虛妄下。結上六知。處真道而不傾。  
行非道而不壞。

譬如化。不從心起。不從心法起。不從業起。不受果報。  
非世間生。非世間滅。不可隨逐。不可攬觸。非久住。非

須臾住。非行世間。非離世間。不專繫一方。不普屬諸方。非有量。非無量。不歎不息。非不歎息。非凡。非聖。非染。非淨。非生。非死。非智。非愚。非見。非不見。非依世間。非入法界。非黠慧。非遲鈍。非取。非不取。非生死。非涅槃。非有非無有。

〔疏〕第二喻中。應開四義。一能化者。以喻因緣。二化現事。喻所起果。三現用而無實。四愚小謂真。故十喻傳云。猶如化事。雖空無實。能令衆生。憂苦瞋恚。喜樂癡惑。諸法亦爾。云何無實。如彼化人。無生老死。苦樂異餘人故。文中有四十句。初句標。次三十

七句一向雙非以顯無實。後非有非無有義通二種。一亦是雙非。謂無有亦無故。二雙融性相。化不實故非有。現化事故非無有。對成四句。及一異等。準前思之。

消除。如日無雲。

鈔。叡公云。衆生如化。非有非真。不達此者。轉如車輪。解法清淨。無我無人。衆垢。

菩薩如是善巧方便。行於世間。修菩薩道。了知世法。分身化往。不著世間。不取自身。於世於身。無所分別。不住世間。不離世間。不住於法。不離於法。以本願故。不棄捨一衆生界。不調伏少衆生界。不分別法。非不分別。知諸法性。無來無去。雖無所有。而滿足佛法。了

法如化。非有非無。

疏第三合中二。先化行。後佛子下。化益前中四。一起化用。以同化相有故。然但云菩薩如是者。以上諸非。一。通法。故指上如是爲善巧方便。二。不著下。明化智。以了化不實故。三。以本願下。雙非顯中。四。了法下。結示化旨。

佛子。菩薩摩訶薩如是安住如化忍時。悉能滿足一切諸佛菩提之道。利益衆生。是名菩薩摩訶薩第九如化忍。

疏化益及結文顯可知

菩薩摩訶薩。成就此忍。凡有所作。悉同於化。譬如化  
士。於一切佛刹。無所依住。於一切世間。無所取著。於  
一切佛法。不生分別。而趣佛菩提。無有懈倦。修菩薩  
行。離諸顛倒。雖無有身。而現一切身。雖無所住。而住  
衆國土。雖無有色。而普現衆色。雖不著實際。而明照  
法性平等圓滿佛子。此菩薩摩訶薩。於一切法。無所  
依止。名解脫者。一切過失。悉皆捨離。名調伏者。不動  
不轉。普入一切如來衆會。各神通者。於無生法。已得  
善巧。名無退者。具一切力。須彌鐵圍。不能爲障。名無  
礙者。

〔疏〕第四果中。先得利他業用之果。後佛子下。得依  
自利。立勝名果。

○第十如空忍中亦四。謂標釋結果。今初  
佛子。云何爲菩薩摩訶薩如空忍。

〔疏〕標云如空。如空所喻。通一切法。佛地喻清淨法  
界。以離差別相。故及中邊等論。喻圓成實。但是此  
中一義。然其喻相。小異諸喻。諸喻開義。多分有五。  
雖正取所成幻等。以喻於法。而亦取緣等。以顯無  
性。此中喻相。不開別法。直指於空。具含多義。以喻  
於法。又此諸喻。若約能喻。前五多取。似有以破實。

有化喻以不有有破似有此喻以性相俱絕破於一切。又前六遣有會空多。依空立有少。此一遣有入空少。依空立有多。又上所喻則通一切。此中能喻則具多義。所喻各隨別義。喻一類法。鈔又前六空喻對六。明空有不同義。成諸喻共喻於空。空喻却成於有。此中能喻者。謂如一空。有無相義。有無起義。一味義等。言所喻各別者。謂無相但喻事法界。無起但喻世界。一味但喻教法等故。然龍樹十喻。以四復次。釋如空義。一近無遠有。謂如虛空。非可見法。以遠視故。眼光回轉。則見縹色。一切諸法。亦復如是。空無所有。以凡夫人遠無漏慧。棄捨實相。則見彼我男女等物。而實此物。竟無所有。



二約性淨不染。三約無初中後。四約體實無物。及  
 佛地有十復次。上八地中空有十義。皆是畧明。及  
 佛地十義。菩薩入地十義。此之二經。文皆十義。意各  
 不同。佛地十義。喻如來清淨法界一體。唯一味。二  
 性淨無染。三無起作。四無生滅。五無增減。六無去  
 來動轉。七無成壞。八無變異。勞倦。九非諸相。十無  
 所起作。觀其經文。十與三同。而三是含容無起作。  
 十是生起無起作。三合云。無能所。若觀論結十。應  
 言無分別。三。應云。無作意。八地者。十相不同。謂一  
 無量相。二周徧相。三無形相。四無異相。五無邊相。  
 六顯現色身相。文唯有一例。合有  
 十耳。但語於空。又不別喻相法。然別義有此不  
 同。同義諸喻無別。故獻公云。十喻以喻空。空必待  
 此喻。借言以會意。意盡無會處。若得出長羅。住此  
 無所住。若能曠斯照。萬象無來去。餘無礙義。如前

後說。此但總結十喻之讚。若別明空讚云。空唯有名。無用無色。人亦如是。莫之能識。妄造妄苦。

百艱孔棘。馳空求空。空竭其力。亦顯空義耳。

○第二釋中二。先忍解之相。後忍行成益。今初。

佛子。此菩薩摩訶薩。了一切法界。猶如虛空。以無相故。一切世界。猶如虛空。以無起故。一切法。猶如虛空。以無二故。一切衆生。行猶如虛空。無所行故。一切佛。猶如虛空。無分別故。一切佛力。猶如虛空。無差別故。一切禪定。猶如虛空。三際平等故。所說一切法。猶如虛空。不可言說故。一切佛身。猶如虛空。無著無礙故。菩薩如是。以如虛空方便。了一切法。皆無所有。

〔疏〕先別明以空九義。喻九種法。隨義雖別。然其總意。亦以緣成無性故空。九句各初標法同喻。後出所以。一標事法界如空。下出所以者。以無相故。謂從緣無性。其相自虛。卽事是理法界故。此句爲總。二世界共業所起故。三軌儀教法。一味法界所流。故及餘六句。並準初句。後菩薩如是下。總結。

○第二忍行成益

佛子。菩薩摩訶薩。以如虛空忍智。了一切法時。得如虛空身。身業得如虛空語。語業得如虛空意。意業得如虛空。一切法依不生不歿。菩薩摩訶薩亦復如是。

一切法身不生不歿。譬如虛空不可破壞。菩薩摩訶薩亦復如是。智慧諸力不可破壞。譬如虛空。一切世間之所依止而無所依。菩薩摩訶薩亦復如是。一切諸法之所依止而無所依。譬如虛空無生無滅。能持一切世間生滅。菩薩摩訶薩亦復如是。無向無得。能示向得。普使世間修行清淨。譬如虛空無方無隅。而能顯現無邊方隅。菩薩摩訶薩亦復如是。無業無報。而能顯示種種業報。譬如虛空非行非住。而能示現種種威儀。菩薩摩訶薩亦復如是。非行非住。而能分別一切諸行。譬如虛空非色非非色。而能示現種種

諸色菩薩摩訶薩亦復如是。非世間色。非出世間色。而能示現一切諸色。譬如虛空非久非近而能久住。現一切物。菩薩摩訶薩亦復如是。非久非近而能久住。顯示菩薩所行諸行。譬如虛空非淨非穢不離淨穢。菩薩摩訶薩亦復如是。非障非無障不離障無障。譬如虛空。一切世間皆現其前。非現一切世間之前。菩薩摩訶薩亦復如是。一切諸法皆現其前。非現一切諸法之前。譬如虛空普入一切而無邊際。菩薩摩訶薩亦復如是。普入諸法而菩薩心無有邊際。何以故。菩薩所作如虛空故。謂所有修習。所有嚴淨。所有

成就皆悉平等一體一味一種分量如虛空清淨徧一切處如是證知一切諸法於一切法無有分別嚴淨一切諸佛國土圓滿一切無所依身了一切方無有迷惑具一切力不可摧壞滿足一切無邊功德已到一切甚深法處通達一切波羅蜜道普坐一切金剛之座普發一切隨類之音爲一切世間轉於法輪未曾失時

〔疏〕成益中三初總明得如空三業業具一譬如下。別顯德齊虛空於中初二句一向喻實無依爲依已下皆顯性相無礙從緣有故無性空故又此二

相卽故。便成四句。一緣生故空。緣生故有。二無性故空。無性故有。三緣生故有。無性故空。四卽反此。餘一異等。竝例此知。鈔四卽反此者。謂無性故有。緣生故空。竝如問明品。若對經文。應言從緣有故。爲世界依。無性空故。無法出而無所依。四句但出空義。所以差別耳。無法出空故。皆現其前。空不可見。故不現法前。餘竝文顯。三何以下。徵釋得益之由。所以得者。釋意云。空觀成故。於中二。先智證齊空故。一體者。眞如平等故。一味者。解脫不殊故。一種分量者。大小皆稱性故。後嚴淨下。德用滿空故。

○三結名。四得果。

是名菩薩摩訶薩第十如空忍菩薩摩訶薩成就此  
忍得無來身以無去故得無生身以無滅故得不動  
身以無壞故得不實身離虛妄故得一相身以無相  
故得無量身佛力無量故得平等身同如相故得無  
差別身等觀三世故得至一切處身淨眼等照無障  
礙故得離欲際身知一切法無合散故得虛空無邊  
際身福德藏無盡如虛空故得無斷無盡法性平等  
辯才身知一切法相唯是一相無性爲性如虛空故  
得無量無礙音聲身無所障礙如虛空故得具足一  
切善巧清淨菩薩行身於一切處皆無障礙如虛空



故得一切佛法海次第相續身。不可斷絕如虛空故。得一切佛刹中現無量佛刹身。離諸貪著如虛空無邊故。得示現一切自在法無休息身如虛空大海無邊際故。得一切不可壞堅固勢力身如虛空任持一切世間故。得諸根明利如金剛堅固不可壞身如虛空一切劫火不能燒故。得持一切世間力身智慧力如虛空故。

疏結名可知。果中得二十種身。前十與十行及離世間。大分相似。然通相多從德用立名。可以意得。

○大文第四總結十忍

佛子。是名菩薩摩訶薩十種忍。

〔疏〕可知

○第二祇夜。一百七頌。

爾時普賢菩薩摩訶薩欲重宣其義而說頌言。

譬如世有人 聞有寶藏處 以其可得故

心生大歡喜 如是大智慧 菩薩真佛子

聽聞諸佛法 甚深寂滅相

〔疏〕大分爲二百偈頌。前七偈結歎。前中但頌廣釋。

卽爲十段。段各十偈。初有十頌。頌音聲忍於中先

二偈。頌所聞佛說。

聞此深法時	其心得安隱	不驚亦不怖
亦不生恐懼	大士求菩提	聞斯廣大音
心淨能堪忍	於此無疑惑	自念以聞此
甚深微妙法	當成一切智	人天大導師
菩薩聞此音	其心大歡喜	發生堅固意
願求諸佛法	以樂菩提故	其心漸調伏
令信益增長	於法無違謫	是故聞此音
其心得堪忍	安住而不動	修行菩薩行
爲求菩提故	專行向彼道	精進無退轉
不捨衆善軌	以求菩提道	其心無恐懼

聞法增勇猛 供佛令歡喜

〔疏〕餘頌能聞入法於中一偈頌不驚怖畏一偈深信一偈悟解二偈愛樂一偈修習安住後二偈頌趣向專心憶念

如有大福人 獲得真金藏 隨身所應服

造作莊嚴具 菩薩亦如是 聞此甚深義

思惟增智海 以修隨順法 法有亦順知

法無亦順知 隨彼法如是 如是知諸法

成就清淨心 明徹大歡喜 知法從緣起

勇猛勤修習 平等觀諸法 了知其自性

不違佛法藏 普覺一切法 志樂常堅固

嚴淨佛菩提 不動如須彌 一心求正覺

以發精進意 復修三昧道 無量劫勤行

未曾有退失 菩薩所入法 是佛所行處

於此能了知 其心無猷怠 如無等所說

平等觀諸法 非不平等忍 能成平等智

隨順佛所說 成就此忍門 如法而了知

亦不分別法

**疏**第二有十偈。願順忍。於中初一偈三句。願思惟。次二偈一句。願隨順了知。令心清淨。次一却願觀。

察平等無違餘頌正任修習

三十三天中 所有諸天子 共同一器食

所食各不同 所食種種食 不從十方來

如其所修業 自然成在器 菩薩亦如是

觀察一切法 悉從因緣起 無生故無滅

無滅故無盡 無盡故無染 於世變異法

了知無變異 無異則無處 無處則寂滅

其心無染著 願度諸羣生 專念於佛法

未嘗有散動 而以悲願心 方便行於世

勤求於十力 處世而不住 無去亦無來

方便善說法 此忍最爲上 了法無有盡  
入於眞法界 實亦無所入 菩薩住此忍  
普見諸如來 同時與授記 斯名受佛職  
了達三世法 寂滅清淨相 而能化衆生  
置於善道中

〔疏〕第三有十偈頌無生忍。初三頌標。以前二忍皆  
是法說。故偈初各加其喻。次四頌釋。後三結歎。

世間種種法 一切皆如幻 若能如是知  
其心無所動 諸業從心生 故說心如幻  
若離此分別 普滅諸有趣 譬如工幻師

普現諸色像	徒令衆貪樂	畢竟無所得
世間亦如是	一切皆如幻	無性亦無生
示現有種種	度脫諸衆生	令知法如幻
衆生不異幻	了幻無衆生	衆生及國土
三世所有法	如是悉無餘	一切皆如幻
幻作男女形	及象馬牛羊	屋宅池泉類
園林華果等	幻物無知覺	亦無有住處
畢竟寂滅相	但隨分別現	菩薩能如是
普見諸世間	有無一切法	了達悉如幻
衆生及國土	種種業所造	入於如幻際



於彼無依著

〔疏〕第四十偈。頌如幻忍。初六頌畧說於中。前四頌指法同喻。及顯緣相。後二頌成就忍行。後四頌廣於中。初二頌喻。次一頌合。後一頌忍行成。

如是得善巧

寂滅無戲論

住於無礙地

普現大威力

勇猛諸佛子

隨順入妙法

善觀一切想

纏網於世間

衆想如陽燄

令衆生倒解

菩薩善知想

捨離一切倒

衆生各別異

形類非一種

了達皆是想

一切無真實

十方諸衆生

皆爲想所覆

若捨顛倒見 則滅世間想 世間如陽燄  
以想有差別 知世住於想 遠離三顛倒  
譬如熱時燄 世見謂爲水 水實無所有  
智者不應求 衆生亦復然 世趣皆無有  
如燄住於想 無礙心境界 若離於諸想  
亦離諸戲論 愚癡著想者 悉令得解脫  
遠離憍慢心 除滅世間想 住盡無盡處  
是菩薩方便

〔疏〕第五十偈。願如焰忍。初一躡前生後。以明觀意。次五願指法同喻。次一願喻。後三願合。

菩薩了世法	一切皆如夢	非處非無處
體性恒寂滅	諸法無分別	如夢不異心
三世諸世間	一切悉如是	夢體無生滅
亦無有方所	三界悉如是	見者心解脫
夢不在世間	不在非世間	此二不分別
得入於忍地	譬如夢中見	種種諸異相
世間亦如是	與夢無差別	住於夢定者
了世皆如夢	非同非是異	非一非種種
衆生諸剎業	雜染及清淨	如是悉了知
與夢皆平等	菩薩所行行	及以諸大願

明了皆如夢 與世亦無別 了世皆空寂  
不壞於世法 譬如夢所見 長短等諸色  
是名如夢忍 因此了世法 疾成無礙智  
廣度諸羣生

〔疏〕第六十偈。頌如夢忍中。正頌前合。兼頌標喻。十頌。頌前九句。一頌無變。二一頌頌自性。上二兼頌標法。三頌執著。翻則解脫。兼頌前喻。四頌性離。五超頌所現。六却頌本性。七八二頌頌無差別。九頌想分別。十頌覺時。思之可了。

修行如是行 出生廣大解 巧知諸法性

於法心無著	一切諸世間	種種諸音聲
非內亦非外	了之悉如響	如聞種種響
心不生分別	菩薩聞音聲	其心亦如是
瞻仰諸如來	及聽說法音	演契經無量
雖聞無所著	如響無來處	所聞聲亦然
而能分別法	與法無乖謬	善了諸音聲
於聲不分別	知聲悉空寂	普出清淨音
了法不在言	善入無言際	而能示言說
如響徧世間	了知言語道	具足音聲分
知聲性空寂	以世言音說	如世所有音

示同分別法 其音悉周徧 開悟諸羣生  
菩薩獲此忍 淨音化世間 善巧說三世  
於世無所著

**疏**第七十偈頌如響忍。初一偈頌忍行所因。文云。修行如是行。似結前喻。旣言知諸法性。義同忍行。次二偈頌聞一切聲如響。次二頌知如來聲如響。餘頌忍成之益。其喻徧諸偈中。

爲欲利世間 專意求菩提 而常入法性  
於彼無分別 普觀諸世間 寂滅無體性  
而恒爲饒益 修行意不動 不住於世間

不離於世間	於世無所依	依處不可得
了知世間性	於性無染著	雖不依世間
化世令超度	世間所有法	悉知其自性
了法無有二	無二亦無著	心不離世間
亦不住世間	非於世間外	修行一切智
譬如水中影	非內亦非外	菩薩求菩提
了世非世間	不於世住出	以世不可說
亦不在內外	如影現世間	入此甚深義
離垢悉明徹	不捨本誓心	普照智慧燈
世間無邊際	智入悉齊等	普化諸羣生

令其捨衆著

疏第八十偈。頌如影忍。頌法說十對。喻合含在其  
中。初二偈。頌非世生沒。謂了寂故不生。饒益故不  
沒。次偈。頌非在內外。不住故不內。不離故不外。次  
偈。頌非行不行。了無染故非行。化世故非不行。次  
偈。頌非同非異。知自性故非同。了無二故非異。次  
偈。頌非往不往。第一句不往。餘三句非不往。次六  
句。頌非住非不住。於中初二句兼別頌喻。故云非  
內外。次亦不在內外。二句。頌非是世間。非出世間。  
次入此一偈。頌非修菩薩行。非捨於大願。次一偈。



願雖常行一切佛法。而能辦一切世間事。其實不實。及不住世流法流。義通結上。故畧不願。

觀察甚深法 利益羣生衆 從此入於智

修行一切道 菩薩觀諸法 諦了悉如化

而行如化行 畢竟永不捨 隨順化自性

修習菩提道 一切法如化 菩薩行亦然

一切諸世間 及以無量業 平等悉如化

畢竟住寂滅 三世所有佛 一切亦如化

本願修諸行 變化成如來 佛以大慈悲

度脫化衆生 度脫亦如化 化力爲說法

知世皆如化 不分別世間 化事種種殊  
皆由業差別 修習菩提行 莊嚴於化藏  
無量善莊嚴 如業作世間 化法離分別  
亦不分別法 此二俱寂滅 菩薩行如是  
化海了於智 化性印世間 化非生滅法  
智慧亦如是

〔疏〕第九十偈頌如化忍。初三偈頌總知一切世間如化。次一頌染法化。次二頌淨法化。言度脫亦如化者。爲釋疑故。謂觀察衆生如化。何用化之。故此答云。化若有實。可招來難。度旣如化。化之何妨。餘

頌法合

第十忍明觀

衆生及諸法

體性皆寂滅

如空無處所

獲此如空智

永離諸取著

如空無種種

於世無所礙

成就空忍力

如空無有盡

境界如虛空

不作空分別

虛空無體性

亦復非斷滅

亦無種種別

智力亦如是

虛空無初際

亦復無中後

其量不可得

菩薩智亦然

如是觀法性

一切如虛空

無生亦無滅

菩薩之所得

自住如空法

復爲衆生說

降伏一切魔

皆斯忍方便 世間相差別 皆空無有相  
入於無相處 諸相悉平等 唯以一方便  
普入衆世間 謂知三世法 悉等虛空性  
智慧與音聲 及以菩薩身 其性如虛空  
一切皆寂滅

〔疏〕第十十偈頌如空忍。初一偈頌忍解之相。餘頌  
忍行成益。於中初五偈頌別顯德齊虛空。次三偈  
頌徵釋得忍之由。後一偈却頌上總明得如空三  
業

如是十種忍 佛子所修行 其心善安住

廣爲衆生說	於此善修學	成就廣大	力	及智力	爲菩提方便	通達此忍門	成就無礙智	超過一切衆	轉於無上輪	所修廣大行	其量不可得	調御師智海	乃能分別知	捨我而修行	入於深法性	心常住淨法	以是施羣生	衆生及刹塵	尚可知其數	菩薩諸功德	無能度其限	菩薩能成就	如是十種忍	智慧及所行	衆生莫能測
-------	-------	------	---	-----	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

〔疏〕末後七偈結歎中一二前三二利行圓言超過一

切正顯十頂之義。後四顯深難測。上智所知。

〔論〕一段頌。是重頌前十忍法故。如第一音聲忍。總配五位中初位。十任初。十行初。十迴向初。十地初。十一地初。如第二順忍者。十任第二任。十行第二行。十迴向第二迴向。十地第二地。十一地第二位。如是一一次第。五位同配。但以升進功用。慣習生熟不同故。如是無生法忍。如幻忍。如燄忍。如夢忍。如響忍。如影忍。如化忍。如空忍。皆如上。一一隨五位同配同修。又一位具十忍故。餘義如文自具。已上十一地行滿。十忍品竟。

政和縣明福堂比丘靜山捐衣盂之貲  
刻此  
華嚴經十忍品疏論纂要第七十九卷  
永遠流通伏願入毘盧性海修普賢行  
門廣度羣生同成佛道  
康熙己未年六月既望  
華藏室謹題

大方廣佛華嚴經疏論纂要卷第七十九